

Script of Morning Gojri News Bulletin 18 June 2025 at 1015Hrs

مارننگ گو جری نیوز بلیٹن مورخہ 18 جون 2025

یوہ آکا شوانی جموں ہے محمد آصف لو دھی تیں خبر سُنو۔

Amarnath Yatra

داخلی معاملات بارے محکمہ غا سیکریٹری گو ویند موہن نے اعلیٰ عہدیداران غی اک میٹنگ بلا غے آئندہ امرناتھ یا ترا غی خاطر تیاریاں غو جائز و لیو ہے۔ واضع رہ جے یاہ میٹنگ جا تے تہاڑے سرینگر مانہہ قائم جموں کشمیر پولیس غا صدر دفتر مانہہ منعقد ہوئی۔ جس مانہہ چیف سیکریٹری، جموں کشمیر پولیس غا سربراہ، فوج غا اعلیٰ عہدیداران تے بکھ بکھ حفاظتی ایجنسیاں غا عہدیداران نے شمولیت کی۔ میٹنگ مانہہ یا ترا غی خاطر تمام تر دوجی سہولیات دستیاب رکھن غے نال نال حفاظت غا تگڑا بندو بست مکمل کرن ور تفصیل نال گل بات کی۔ اس موقع ور تمام عہدیداران نے آپسی تعاون غی ضرورت ور زور دیتو ہے۔

CM Hajj Pilgrims

وزیر اعلیٰ عمر عبداللہ نے گئی شام سرینگر ہوائی اڈہ ور 178 حجاج اکرام غو استقبال کیو، تے اُن نانہہ دلی مبارکباد پیش کی۔ وزیر اعلیٰ نے حجاج اکرام غی باحفاظت وطن واپسی ور خوشی غواظہار کرتاں واں اُن غی خاطر کیا گیا بندو بست غی تعریف کی ہے۔ اس موقع ور واپس اُن آلا حاجیاں نے حکومت غی طرفوں اُن نانہہ ہر ممکن سہولت مہیا کران ور شکریو ادا کیو ہے۔

Rana Jal Shakti

پیر پنچال خطہ مانہہ پین غا پانی غی سپلائی بارے ڈھانچہ نانہہ متو مضبوط بنان غا سلسلہ مانہہ جل شکتی محکمہ گا وزیر جاوید احمد رانا نے جا تے روز سیول سیکریٹریٹ مانہہ افسراں غی اک میٹنگ بلائی۔ میٹنگ غے دوران اس ویلے چل رہی پانی سپلائی غی اسکیمیاں غو تفصیل نال جائز و لیتاں واں ان غی مکمل عمل آوری غی ضرورت ور زور دیتو گیو ہے۔ وزیر موصوف نے پانی غی خصوصیت ور لگاتار نظر رکھن غے نال نال لوکاں غی دخل اندازی ور زور دیتو ہے۔ اس موقع ور جاوید احمد رانا نے جل جیون مشن غا افسراں نانہہ ہدایت کی جے پانی غا صحیح استعمال غے نال نال پروجیکٹاں نانہہ مٹھی گئی مدت غے اندر مکمل کیو جا ئے۔

Cherries Saudi Arabia

جموں کشمیر غی چیری نانہہ سعودی عرب درآمد کیا جان توں بعد بھارت غی ذرعی برآمدات مانہہ ہُن اہم سنگ میل ثابت وے گو۔ واضع رہ جے بیچن غی خاطر یوہ پھل ہُن مقامی منڈی مانہہ وی دستیاب رہ گو تا نچے صارفین وی اس تیں لطف اندوز ہو سکیں۔ سماجی میڈیا ور اک پوسٹ سانجی کرتاں واں سعودی عرب غی راجدھانی ریاد مانہہ قائم بھارتی سفارتخانہ نے جموں کشمیر غی چیری غی درآمد بارے اعلان کیو ہے۔ واضع رہ جے بھارتی سفارتخانہ غی تجارتی ٹیم غا کو نسلر ایم ایس منو سمرتی نے اس منفرد مصنوعات غو افتتاح کیو ہے۔ یاد رہ جے اس غی درآمد نال بھارت تے سعودی عرب بشکار تجارت نانہہ ہُن مضبوطی لبے گی۔

Reasi SMILE

پسماندہ افراد نانہہ با اختیار تے با وقار بنان غا سلسلہ مانہہ سمانل اسکیم نانہہ عملان با رے سرینگر ضلع تیں بعد ریاسی ضلعو ہُن دوجو ضلعو بن گئیو ہے۔ واضع رہ جے اس سلسلہ مانہہ سماجی انصاف تے با اختیاری با رے مرکزی وزارت غی طرفوں اقدام چایا گیا ایں۔ یا درہ جے اس سلسلہ مانہہ ریاسی غی ضلع ترقیاتی کمشنر ندی ملک نے عہدیداران غی اک میٹنگ بلا غے اس اسکیم نانہہ عملان غی ضرورت ور زور دتو ہے۔ اس سکیم نال تعلیم، ہُنر نانہہ بابدو دین تے خاص کر بچاں نانہہ خصوصی مدد فراہم کرن مانہہ مدد لے لے گی۔

Special Feature 11 years

یوگ بارے عالمی تہاڑو اس مہینہ غی 11 تاریخ نانہہ منایو جائے گو۔ اس سلسلہ مانہہ آکاشوانی نیوز تہارے واسطے بھارت غا قدیم رسم و رواج توں عالمی تحریک توڑی یوگ غا ارتقا با رے اک خصوصی پروگرام نشر کر رہیو ہے۔ واضع رہ جے یوگ روحانی مشق توں عالمی نظم و ضبط مانہہ تیار ہووے۔ یا درہ جے یوگ نانہہ اقدام متحدہ مانہہ سن 2014 مانہہ اپنا جان توں بعد ہُن وزیر اعظم نریندرمو دی نے آئندہ 21 جون نانہہ دُنیا پھر مانہہ منایا جان غی تجویز دتی ہے۔ جس غے نال صحت غی ہم آہنگی غے نال نال تمام برادریاں مانہہ آپسی امن تے اتفاق بدھایو جا سکے۔

Yoga Samba

یوگ بارے عالمی تہاڑو منان غا سلسلہ مانہہ جموں کشمیر مانہہ وی زوراں نال تیاری کی جا رہی ایں۔ اس سلسلہ مانہہ ضلع سانبہ غی انتظامیہ تے آیوش محکمہ نے سانجہ طور ور سانبہ غا تاریخی قلعہ ور یوگ بارے اک پروگرام منعقد کرایو۔ جس مانہہ 180 غے قریب لوکاں نے شمولیت کی۔ واضع رہ جے اس پروگرام غو مقصد یوگ با رے عالمی تہاڑا نانہہ منان غی خاطر اپنا آپ نانہہ تیار کرنو ہے۔ اس پروگرام غے دوران روایتی مشق تے صحت با رے جدید اقدامات بارے نمائش وی دسی گئی۔

Pre Yoga Announcement

علاقائی خبراں آلا شعبہ آکاشوانی جموں یوگ بارے عالمی تہاڑا غا سلسلہ مانہہ آئندہ 20 جون نانہہ سویرے 9 بج غے 30 منٹ ور اک خصوصی پروگرام نشر کرے گو۔ اس پروگرام مانہہ مہاری مہمان ڈاکٹر نیلم شرما زندگی مانہہ یوگ غی اہمیت ور تفصیل نال اپنا خیالات سانجہ کریں گی۔ واضع رہ جے اس پروگرام مانہہ مہاری نیوز اینکر شروتی کھجوریہ میزبان ویں گی۔ یا درہ جے یوہ پروگرام میڈیم ویو 303 میٹر یعنی 990 کلو ہرٹز تے ایف ایم 100 عشاریہ 3 میگا ہرٹز ور نشر کیو جائے گو۔

اس غے نال ہی خبراں غو یوہ بلیٹن ختم ہووے۔

News Read by:- Mohd Asif Lodhi

News Editor:- Abhilasha Sharma

DEO:- Alam Khan

Skilled:- Rajat Paul